

Lebih kepada kebaikan

Vaksin AstraZeneca dalam Program Imunisasi Covid-19 Kebangsaan diteruskan

Putrajaya

Malaysia akan meneruskan penggunaan vaksin Covid-19 jenis AstraZeneca dalam Program Imunisasi Covid-19 Kebangsaan, kata Menteri Kesihatan, Datuk Seri Dr Adham Baba.

Bercakap kepada pemberita selepas menyaksikan majlis tandatangan Nota Kerjasama antara Kementerian Kesihatan (KKM) dengan Kementerian Pengangkutan di sini, semalam, Dr Adham berkata perkara itu diputuskan dalam mesyuarat Jawatankuasa Khas Jaminan Akses Bekalan Vaksin Covid-19 (JKJAV) semalam.

"Penggunaan vaksin AstraZeneca akan diteruskan kerana data klinikal yang didapati masih menjurus kepada kebaikan berbanding kemudarat," katanya serta menambah bahawa KKM mengambil maklum elemen kesan *adverse* dan



KELIHATAN dua petugas Hospital Pulau Pinang berjalan depan kontena dengan dihiasi mural hargai jasa barisan hadapan di depan Unit Farmasi Logistik hospital itu, semalam.

kes membatikan 'thrombocytopenia' yang dilaporkan.

Menurut laporan media, tujuh daripada 30 penerima vaksin jenis AstraZeneca di

United Kingdom mengalami masalah pembekuan darah.

Pengawal selia kesihatan Britain dilaporkan sedang menimbangkan saranan

untuk menyekat penggunaan vaksin jenis AstraZeneca dalam kalangan orang yang lebih muda berikutan kebimbangan tentang kes darah beku yang jarang ber-

Penggunaan vaksin AstraZeneca akan diteruskan kerana data klinikal yang didapati masih menjurus kepada kebaikan berbanding kemudarat"

Dr Adham

laku.

Pada 2 April lalu, KKM sudah memberi kelulusan pendaftaran bersyarat kepada vaksin AstraZeneca jenis cecair suntikan yang dibekalkan melalui kemudahan COVAX oleh pengilang SK Bioscience Co Limited, Korea Selatan.

Dr Adham berkata Malaysia juga akan membuat perolehan 10 peratus vaksin jenis AstraZeneca dari Thailand secara pembelian terus. - Bernama

Dua sekolah di Masjid Tanah diarah tutup

Melaka: Dua sekolah rendah di Masjid Tanah, di sini diarah tutup susulan beberapa murid dan guru sekolah berkenaan disahkan positif Covid-19.

Exco Kesihatan dan Antidadah negeri Datuk Rahmad Mariman berkata, berdasarkan makluman Pejabat Pendidikan Daerah Alor Gajah kelmarin, Sekolah Kebangsaan (SK) Jeram ditutup sehingga hari ini, manakala SK Pengkalan Balak pula diarah tutup semalam sehingga Jumaat.

Beliau berkata dua kakitangan Kolej Universiti Islam Melaka (Kuim) turut disyaki positif Covid-19 namun pusat pengajian terabit boleh beroperasi seperti biasa.

"Mereka yang positif adalah dua murid SK Jeram manakala masing-masing tiga murid serta guru di SK Pengkalan Balak.

"Kerja nyahkuman akan dilakukan segera di semua sekolah dan pusat pengajian terabit dengan segera," katanya ketika dihubungi semalam.



BANDAR pendidikan multikampus pertama di Asia, EduCity Iskandar.



B.R.A.V.E wujudkan persekitaran kondusif dan selamat

Johor Bahru: Bagi mewujudkan persekitaran pembelajaran yang kondusif dan selamat ketika berdepan pandemik Covid-19, EduCity Iskandar Malaysia mewujudkan pek komunikasi B.R.A.V.E berpandukan garis panduan Kementerian Kesihatan Malaysia (KKM) dan Majlis Keselamatan Negara (MKN).

Kempen B.R.A.V.E mula di-perkenalkan sejak Jun 2020.

Pengarah Urusan EduCity Iskandar Malaysia Wan Ahmad Saifuddin Wan Ahmad Radzi berkata, B.R.A.V.E yang bermaksud Bersedia Melawan Virus Dimana Sahaja (*Be Ready Against Viruses Everywhere*) menjadi kempen kesedaran mengawal penularan Covid-19.

Beliau berkata, pelaksaa-

naan prosedur operasi standard (SOP) bagi perkongsian kemudahan guna sama di EduCity seperti Kompleks Sukan EduCity, EduCity Hub dan EduCity Village, amatlah penting.

Menurutnya, biarpun aktiviti sukan dibenarkan demi memupuk gaya hidup sihat, ia harus menepati SOP norma baharu dan EduCity menawarkan sukan baharu yang mengamalkan penjarakkan fizikal seperti Teq Ball di kompleks sukan di EduCity.

Katanya, kegunaan kemudahan sukan dibenarkan secara berperingkat namun mengikut SOP selain mengutamakan penjarakkan fizikal.

"Dari tarikh bermula Perintah Kawalan Pergerakan, EduCity membuka kemudahan sukan turut berpe-



"Antara aktiviti sukan ditawarkan di kompleks sukan EduCity yang banyak menerima permintaan adalah seperti teqball, sukan badminton dan renang yang mengamalkan penjarakkan fizikal," katanya.

Wan Ahmad Saifuddin berkata, pelajar dan pengunjung EduCity turut berpe-

luang menggunakan fasiliti disediakan dengan jumlah pengguna ditetapkan."

Wan Ahmad Saifuddin

luang menggunakan fasiliti disediakan dengan jumlah pengguna ditetapkan.

Beliau berkata, fasiliti terbaru dibangunkan adalah EduCity Hub, sebuah ruang sosial untuk pelajar dan komuniti yang menawarkan ruang riadah bagi sesi pembelajaran dan bersantai, ruang niaga, kafe, bilik seminar

dan perbincangan serta satu aras dikhaskan untuk sebuah ruang *coworking space*.

Menurutnya, keunikan EduCity sebagai hab pendidikan termasuk komponen fasiliti guna sama yang lengkap terdiri kompleks sukan bertaraf antarabangsa dengan kolam renang bersaiz Olimpik, penginapan pelajar mempunyai 640 katil dan ruang niaga serta sosial bagi semua pelajar institusi.

"Mereka yang menggunakan kemudahan berkenaan sentiasa didedahkan dengan SOP ditetapkan KKM.

"Ia membantu memastikan keselamatan dan kesejahteraan pelajar di EduCity," katanya.

Senarai institusi pengajian tinggi di EduCity Iskandar adalah Newcastle Uni-

versity Medicine Malaysia, Netherlands Maritime University College, University of Southampton Malaysia, Multimedia University, University of Reading Malaysia, Kolej MDIS Malaysia, Raffles University dan EduCity International College (dijangka operasi bermula hujung 2021, tertakluk kepada kelulusan pihak KPT).

Manakala senarai sekolah antarabangsa adalah Marlborough College Malaysia, Raffles American School, Idrissi International School di EduCity Iskandar (mula beroperasi hujung 2021).

EduCity juga menempatkan pusat latihan iaitu EduCity Academy dan Reliance Aviation Academy, LEA (yang dahulu dikenali sebagai London English Academy).